

欽定大清會典事例

欽定大清會典事例卷一千九十四

鴻臚寺

建置

設官

除授

職掌

設官○原定從三品滿洲卿一人正四品漢卿一人從五品滿洲少卿一人漢左右少卿各一人正六品漢左右寺丞各一人從九品滿洲鳴贊十有六人漢鳴贊八人漢序班二十二人漢司賓序班二人學習序班肄業官生無定額八品滿洲主簿一人漢主簿一人

謹案國初並設有各館主簿

員缺筆帖式四人

謹案原設筆帖式係滿洲十人漢軍二人嗣裁滿洲六人

漢軍二人。

○順治二年。裁漢鳴贊一人。○十二年。裁

漢鳴贊一人。○十三年。裁漢鳴贊二人。○十五

年。裁漢少卿一人。寺丞一人。序班十人。○康熙

十六年。改從三品滿洲卿為正四品。○三十八

年。裁漢序班六人。○五十二年。裁漢寺丞一人。

○乾隆二年。裁漢司賓序班二人。○七年。裁漢

鳴贊二人。序班二人。○九年。定學習序班肄業

官生為十二缺。○十四年。定以禮部滿洲尚書

兼管鴻臚寺事。○十七年。裁學習序班肄業官

生四人。○三十七年。奏准額設滿洲鳴贊十六

人內挑撥鑒儀衛二人。○五十九年奏准增設額外學習鳴贊四人。

除授。○原定考取滿洲鳴贊由鴻臚寺唱試送禮部選擇正陪。仍由寺移送吏部選取序班由禮部行文直隸山東山西河南提學咨送到部會同本寺堂官選擇。由禮部咨送吏部補授漢鳴贊員缺。由現任序班內選送吏部題補。其滿洲鳴贊漢鳴贊等官請假丁憂等事均由寺行。○凡鳴贊序班皆選國語純熟聲音洪亮者俾充其選。如有熟習傳贊者即遷擢之後仍令兼

攝以裒大禮。○又定鴻臚寺官生缺。禮部將應承襲之人。劄寺肄業。遇外國來使行禮。該館官生導引。○康熙四十四年題准。滿洲鳴贊。漢鳴贊。及漢序班員缺。由寺選擇。擬定正陪。徑送吏部。○雍正三年定。選取滿洲鳴贊。由寺於八旗筆帖式。候補筆帖式。恩監生。親軍校。前鋒校。護軍校。驍騎校。庫使。親軍。前鋒。護軍。滿洲舉人。副榜貢生。內遴選引。

見補授。○六年覆准。直隸。山東。山西。河南。四省生員。具呈願考序班者。今取同鄉京官印結。註明委

係親身字樣由寺驗明揀選留寺學習俟有應補之缺移咨學政查取冊結補用以杜冒濫其有疊催不赴考之各生由寺查出除名仍令歸學肄業。○乾隆七年奏准本寺額設滿洲鳴贊漢鳴贊及序班等官以供唱贊引禮之用凡恭遇

萬壽元旦冬至三大節用二十餘人

躬耕耤田用三十餘人此外典禮用人無多額設漢鳴贊四人裁二人序班六人裁二人共留漢官六人並滿洲鳴贊二十二人已可敷用如恭逢

大典需用人多之時。將本寺學習序班肄業官生委用。其所裁四缺。照例咨送吏部對品改補。○十一年奏准。在寺學習之四省生員十有二名。酌定直隸額取六名。山東山西河南各二名。○十七年奏准。山東山西河南三省離京稍遠。在寺學習者。行走維艱。且聲音各別。土語難變。學習唱贊時。雖極力教演。究難合式。惟直隸居近京師。該生等行走不致拮据。其唱贊聲音亦易合式。應將山東等三省額設生員六名。裁去四名。止留二名。合直隸原設六名為八名。一併歸由

順天學政咨取○二十年奉

旨。向來揀選鳴贊等官。新滿洲烏喇齊等皆不與。伊等國語純熟。字音準切。將伊等揀選。尚屬合宜。著交該衙門。嗣後揀選鳴贊等官。將東三省新滿洲烏喇齊等一併揀選。○三十六年議准。鴻臚寺正卿員缺。由內閣侍讀學士等官保送一員。本寺滿洲鳴贊漢鳴贊各保送一員。列於應升人員之末。引

見補放。○五十九年奏准。本寺鳴贊官不敷委用。照太常寺有學習贊禮郎之例。於額設鳴贊外。加增學習鳴贊四缺。以資差遣。其一切升補之處。

亦照太常寺辦理。○嘉慶五年議准鳴贊升轉正卿過優嗣後鳴贊升補正卿後扣滿三年遇有應升缺出再行照常開列。○八年議准嗣後滿洲正卿缺出鳴贊不准保送其從前將各衙門應升人員帶領引

見之例改為開列請

旨補授其滿洲少卿缺出本係科道郎中等官分班開列請

旨之缺改為分班帶領引

見輪用科道時將科道各保一員與本寺所保之鳴

贊一同帶領引

見輪用郎中等官時。咨取各部院衙門郎中等官各一員。與本寺所保之鳴贊一同帶領引。

見簡放。其由鳴贊

簡放之少卿。照例扣滿三年。再行升轉。○十七年定。滿鳴贊十四缺。學習鳴贊六缺。由寺行文吏部。八旗等處。將應選人員送寺。會同太常寺奏請。欽派大臣。公同揀選。每缺選二人引。

見請

旨補放。漢鳴贊二缺。由現任序班內揀選。咨吏部題。

補序班四缺。由學習序班內揀選正陪。咨吏部題補。學習序班八缺。由寺行文順天學政揀選生員咨寺。會同禮部堂官揀補。又議准。凡現任序班丁憂服滿。原籍咨文到寺。遇缺仍按前任次序咨部題補。若無缺。仍在寺行走候補。○又議准。滿主簿一缺。由吏部選補。漢主簿一缺。由漢鳴贊內揀選一員。咨吏部題補。毋庸引見。○又議准。筆帖式四缺。由吏部選補。

職掌。○原定鴻臚寺掌朝會賓客祭祀燕饗之儀。而辨其升降拜跪之節。司其導引唱贊之事。

鳴贊官掌贊朝祭行禮以儉導百官。序班掌序其班聯。主簿掌繕寫章奏及文移之事。凡本寺一切應行事宜俱由禮部題請。○又定凡每月常朝。豫於初一初十二十等日。由寺查收各衙門應行謝

恩各官員報單。於常朝前期開列具題。至期豫設筆硯案於

太和殿內。在

午門外查收行禮各官職名。引各官及外國陪臣由左右掖門進至丹墀內照翼陪坐。若有王等

則引至丹陛上。照翼排坐。以堂官二人。鳴贊官

二人。詣

乾清門奏請

皇帝升殿。回至

保和殿檐下。東西各二人立候

駕出。恭導至

太和殿

升座。卿二人率鳴贊官出立丹陛上。執麾處。唱贊。若

有王等行禮。則鳴贊官立於

殿檐下。唱贊。凡三鳴鞭。鳴贊官引謝

恩官出班序立贊進衆進贊跪衆跪贊叩興行三跪
九叩禮畢贊退各復位立三鳴鞭
皇帝還宮分引王公百官依次出若遇
車恩大典百官皆謝

恩。

皇帝御中和殿升座執事官行禮畢乃

御太和殿導引唱贊均如儀若

皇帝不御殿則每月於初五十五二十五等日文職
坐班初十二十等日武職坐班鳴贊官東西各
二員按翼序定王公班位於

午門外東西各二班序定百官班位於王公之下。東西各分九班各依序為位東西面坐。重行北上。○又定三大節及慶典文武各官有失誤朝賀行禮失儀者由寺指名題叅常朝日謝

恩由寺委官於

午門外收取職名不到者指叅。交吏兵二部議處。○又定凡外國朝貢使臣至京由禮部先期知會。由鴻臚寺演習朝儀屆期委官引禮遇慶賀日行禮鳴贊官由右掖門引入序於右翼之末隨百官行禮其

頒賞謝

恩俱爲贊序班贊引。○又定凡救護日月食鳴贊官四人。立於禮部太常寺露臺上。初虧時贊衆官行三跪九叩禮畢。復贊跪衆皆跪贊擊鼓救護至欽天監報復圓贊行三跪九叩禮各退。○順治九年定每月初五十五二十五日爲常朝日。豫期由寺具題傳知各衙門於初三十三二十三等日將應行謝

恩之王公各官。凡承襲世爵升遷兼銜加級紀錄照舊供職降秩開復革職留任寬免解任各職名

移送到寺。已及百人。奏請

升殿。如不及百人。具奏不請

升殿。如遇齋戒日期。亦不奏請

升殿。如遇雨雪。亦由寺具奏請

旨。○十四年議准。凡遇常朝日。各官有患病者。由禮

部劄知本寺。如假託偷安。由寺題叅。○又定。外

任官員緊急赴任者。具朝服鴻臚寺官引至

午門前。行三跪九叩禮。其新選外任官。於給憑前

十日內。由寺委官導引。四品以上於

午門前。五品以下於

天安門前辭謝赴任。如無故逾期。由寺指名題叅。
○十六年定。凡鴻臚寺應行事宜。改由鴻臚寺
自行辦理。○十八年。仍改由禮部題行。○康熙
十年。復改歸鴻臚寺辦理。○雍正四年。奉

旨。鴻臚寺衙門。禮部統轄。○乾隆八年。奏准。嗣後奏請
升殿。定於初一。初十。二十日具奏。○二十四年。題准

嗣後

升殿。交鴻臚寺於儀仗之外。照常朝坐班例。設立紅
漆木牌。豫先按次排班。如有參差斷續錯綜者。
該糾儀官查叅議處。○又奏准。外國使臣賓貢。

值大朝之期。隨同百官行禮。原令瞻仰。

朝儀共申虔恪。嗣後百官於仗外豫先會集之時。即照新定紅漆木牌。各歸班次。毋得越班趨視。以肅觀瞻。違者糾儀各官查叅議處。○五十七年。

諭嗣後外任各官於領憑前。著吏兵二部查明該員如未經謝恩。即劄知吏兵二科。不准給憑。如查係有心違誤不到者。應據實叅奏。從重治罪。以示懲儆。至該寺衙門於各官呈報謝恩時。書吏等或因需索使費。有意遲延。准該員等自行呈明。查究辦理。以昭覈實。

○嘉慶十六年議准嗣後內任官員應謝

恩者至百員名本寺繕寫謝

恩官員數目摺片將可否

升殿之處於四月十月奏請恭候

命下之日通行各衙門並八旗等處一面將應行謝

恩官員按照品級繕寫清漢啟疏於是日五鼓送交

內閣陳設百官齊集恭候

升殿行謝

恩禮並派員引導唱贊○又議准凡遇

皇帝在圓明園本寺隨工部該班直日○又定每年

冬季

皇帝回宮。本寺候太僕寺直日之後進

內遞直日名單。○又定每逢常朝坐班。本寺派滿
漢官四員查班。○又定凡遇

皇帝巡幸各處。本寺咨送吏部奏派隨

駕堂官。又堂派滿鳴贊四員隨往。以備導引唱贊。○

又定凡遇

聖駕出入。設有儀仗。王公大臣接送

駕。本寺派滿漢官四員前往導引。○又定凡遇祭祀

各

壇

廟本寺派鳴贊等官四員進署齋戒至期導引陪祀如

皇帝親詣行禮添派鳴贊二員導引又另派四員赴

午門前接送

聖駕。

朝會贊儀

太上皇帝三大節慶賀禮
受大典

皇太后宮三大節慶賀禮
受大典
皇太后徽號大朝
頌詔
恭上

朝
命將出師
臨雍
受俘

耕耨
實

巡幸盛京
御殿受賀

巡幸

授

受大典○鴻臚寺官豫設

詔案一。於

太和殿東極設表案一。於

殿西極大學士二人分左右立

殿東西檐下。王公以下文武百官朝服咸集。外國
陪臣集於班末。屆時。禮部奏請

太上皇帝乘輿出宮。

嗣皇帝隨行。

太上皇帝御中和殿。

嗣皇帝在殿內西嚮侍立。鴻臚寺官引執事大臣官

員按班不贊。行三跪九叩禮。

太上皇帝御太和殿

嗣皇帝在殿內西嚮祇俟。階下三鳴鞭。贊排班。禮部官引。

嗣皇帝詣正中拜位。後立鴻臚寺官引王公在丹陛上。文武百官暨外國陪臣在丹墀內東西序立。宣表官奉表於

殿檐下楹外正中跪。贊宣賀表。大學士二人左右跪展表。贊跪。

嗣皇帝率王公大臣以下皆跪。宣訖。贊興。

嗣皇帝仍退立左旁祇俟大學士二人恭導至

御座前跪左旁大學士請

寶跪奉

太上皇帝親授

嗣皇帝

嗣皇帝跪受右旁大學士跪接恭奉

御座右几上

嗣皇帝仍詣原拜褥位贊跪

嗣皇帝率王公以下文武百官行三跪九叩禮贊退

禮成鳴鞭

太上皇帝乘輿還宮。

嗣皇帝更

皇帝禮服

御中和殿。執事大臣官員接班不贊。行三跪九叩禮畢。

皇帝御太和殿

登極。

升座。贊進跪贊宣賀表。宣畢。贊叩興。王公百官暨外國陪臣俱行三跪九叩禮畢。仍復原位立。贊退。禮部官奉

詔由中道出。鳴鞭。

皇帝還宮。

太上皇帝三大節慶賀禮。○是日。鴻臚寺官豫設表案於

太和殿內東旁。引和碩親王以下入。八分公以上在丹陛上。文武各官在丹墀內。咸朝服。各照品級按翼排立。外國陪臣等立於西班牙百官之末。屆時。禮部堂官奏請

太上皇帝御太和殿

升座。

皇帝在殿內西嚮祇俟。鳴鞭。鳴贊。官贊排班。

皇帝就拜褥後立。鴻臚寺官引王以下文武各官暨外國陪臣等排班立。鳴贊。官贊進。

皇帝至拜褥上立。王以下文武各官等皆進立。贊跪。皇帝跪。王以下文武各官等皆跪。贊叩興。

皇帝率王以下文武各官等俱行三跪九叩禮。贊退。皇帝仍至原位立。王以下各官暨外國陪臣等皆退。復原班立。鳴鞭。

太上皇帝還宮。禮部官奏請

皇帝御太和殿。王公百官行慶賀禮。

如恭遇太上皇帝

萬萬

壽聖節朝賀。太上皇帝亦隨還宮。

皇太后宮三大節慶賀禮。○鴻臚寺官豫設進表黃案

一。於

慈寧門東門檻外。南嚮。引王以下。入八分公以上。於隆宗門外按翼排立。其未入八分宗室公鎮國將軍內大臣侍衛公侯伯大學士尚書都統子侍郎副都統內閣學士男以上。於

長信門外按翼排立。三品以下文武各官及外國陪臣在

午門外按翼排立。

皇帝詣

皇太后宮行禮。王以下八分公以上俱隨行至

慈寧門。

皇帝由東階升。門左西嚮立。

起居注官四員在

慈寧門外西階下立。東面。王以下公以上在階下兩旁立。十大臣及侍衛等在儀駕末兩旁立。

皇太后升座。禮部堂官引

皇帝至拜褥上立。王公於

慈寧門階下。大臣侍衛在儀駕末俱嚮上立。鳴贊官

贊跪

皇帝跪皆跪鳴贊官贊叩興

皇帝率王公羣臣行三跪九叩禮行禮時

慈寧門檐下設鳴贊官二人引進王公

長信門外設鳴贊官二人引二品以上大臣

午門外設鳴贊官二人引三品以下各官又

永康左門外

右翼門外各設鳴贊官一人

熙和門外設鳴贊官二人

午門內外各設鳴贊官二人其

午門外排立各官及外國陪臣。鳴贊官由內接傳。
隨班行禮。禮成。禮部堂官轉傳內監奏請。

皇太后還宮。恭導。

皇帝出永康左門還宮。王等俱出。

恭上。

皇太后徽號。前期。設奏書黃案一於

中和殿內。正中。南嚮。至日。設黃案一於

太和殿內。

御座前正中。設

冊

寶龍亭於案左右。設黃案一於

慈寧門階下。一於門闕外正中。均南嚮。設宣讀

冊

寶案於門外左門之東壁西嚮。引三品以下官於

午門外。引王公於丹陛上。引一二品官於

右翼門外。旁垣東西面南上序立。

冊

寶龍亭至跪候

駕過隨行至

慈寧宮。各就班位行禮。儀均與大朝同。

大朝。凡遇元旦冬至。

萬壽三大節。

皇帝御殿受百官朝賀。鴻臚寺豫設表案於

殿內左楹之南。筆硯案於右楹之南。東西嚮。至日。

鴻臚寺卿二人。鳴贊官二人。引王公暨二品以

上官。由左右掖門入。至

太和殿前。王公立於丹陛上。一二品官立於丹墀。

鳴贊官四人。引百官由

昭德門

貞度門入。至丹墀。各就班次。外國陪臣隨右班之

未東西面重行北上序立鴻臚寺執事官先赴中和殿前祇俟

皇帝御中和殿升座與內大臣侍衛內閣翰林院詹事府

起居注禮部樂部都察院理藩院各衙門執事大臣排班不贊同行三跪九叩禮乃趨出贊禮鳴贊官東西各二人立

殿門外第二楹前卿及鳴贊官左右各一人序王貝勒於第四楹階下序貝子公於王後鳴贊序班各二人序百官於丹墀均北上東西面立都

察院堂官二人。豫於丹墀東西相對立。監察御史三十六人。於甬路兩旁品級山中間序立。俟駕升殿樂止。階下三鳴鞭畢。右班鳴贊官一人贊排班。引禮鳴贊官各引王公於丹陛鹵簿戟前進。就棧薦稍後。引百官及外國陪臣由丹墀鹵簿仗前進。各就品級山稍後嚮上立排齊。乃贊進。引禮鳴贊官進前。引王等於棧薦上。貝子等於棧薦後。引百官及外國陪臣各就品級拜位。退至仗內東西面立。左班鳴贊官贊跪。皆跪。贊進表。宣表官奉表跪。宣畢。復表於案。退。贊行三跪。

九叩禮。右班鳴贊。官贊退班。引禮。鳴贊。官二人
進前。引王公百官及外國陪臣退出仗外。仍復
原班立。禮成。鳴鞭。

駕還宮。俟樂止。各引王公由

太和門

午門左右門。百官及外國陪臣由

昭德門

貞度門

午門左右掖門出。若值

駐蹕圓明園朝賀

皇帝御正大光明殿引禮官引王以下文職三品武職二品以上官於階下兩旁排立。文職四品武職三品以下各官於

出入賢良門外排立。外國陪臣等立於西班牙之末。贊行三跪九叩禮如儀。若值

駐蹕熱河朝賀

皇帝御澹泊敬誠殿引禮官引王以下入八分公以上及蒙古王公至階下兩旁按翼排立。二品以上大臣在

二宮門外。三品以下各官在

避暑山莊門外各照品級按翼排立贊行三跪九叩禮如儀。若值

巡幸行在朝賀。

皇帝御行殿。鳴贊官四人。左右各二人。於旌門外序立。引禮官引王公一二品官於黃幔城外。三品官以下於網城外。贊行三跪九叩禮如儀。

頒詔。○鴻臚寺設

詔案一於

殿內左楹之南。一於丹陛正中。引王公集

太和殿丹陛上。百官集丹墀內。進表行禮。一如太

朝之儀。俟禮部堂官受

詔降。引百官由

昭德門

貞度門

午門

端門

天安門左右門出。至外金水橋東西甬道。南北上
東西面立。贊排班。引百官夾

御道北面序立。贊有

制。衆皆跪。宣

詔畢。贊行三跪九叩禮。興贊退班。引退如駕不御殿。王公不咸集。引百官於

午門外兩翼序立。

詔至跪候過隨行至。

天安門外行禮如常儀。

頒朔。歲孟冬。卿二人率鳴贊官四人於

午門外兩觀第五楹夾

御道東西立傳

制官一人於

午門外

御道下左旁奉

制立。俟欽天監恭進

御覽時憲書畢。引王公於

午門外左右觀。自南第二楹下。引百官及朝鮮國

陪臣於

闕門相對處。均北上。東西面立。宣

制。官進至

御道上。西面立。贊排班。引王公於

御道上。左右百官於

御道下。左右。朝鮮國陪臣隨右班之末。均北嚮。贊

進就位贊有

制。衆皆跪宣

制官宣

制畢。贊行三跪九叩禮。

頒朔禮成。各引退。

經筵。○前期由寺設

御書案於

文華殿內

御座前。稍南設講案於

殿內正中。是日鳴贊官二人引講官暨大學士九

卿科道各官至丹墀內東西面序立

皇帝升座引各官於丹墀鳴贊官四人立

殿檐下東西第二楹前贊行二跪六叩禮引復原班卿引講官暨各官由東西階升進

殿內九卿科道兩旁僉立講官東西面序立鳴贊官一人進至

殿檐下東第二楹贊進講講官行禮進講經書畢候

皇帝闡發經義羣臣跪聆訖引各官出至丹墀原班立贊行二跪六叩禮

經筵禮成候

駕還宮。引各官出。至

本仁殿

賜燕。燕畢。引各官至

文華殿前謝

恩。行一跪三叩禮。不贊。

臨雍。○凡

臨雍。釋奠於

先師。禮成。引禮官引兩翼王公。均由戟門右門出。至

廟門外。分翼東上。南北面序立。引百官均由持

敬門出。豫詣

辟雍殿南階下。分東西班序立。候

駕。是日。豫設書案一於

殿內

御座前正中。分設進講經書案於兩旁。俟
皇帝升座。引各官行二跪六叩禮畢。退復

殿南原班立。分引進講官滿漢大學士二人滿漢
祭酒二人升階。由

殿左右門入。

賜坐。各就位。一叩坐。贊進講。大學士祭酒以次進講。

皇帝降御論。各官暨大學諸生環立於

殿前聽講。講畢。進講官退立於橋南。贊行三跪九

叩禮畢。禮部尚書奉

制出授宣

制官宣

制官跪受。鳴贊序班引諸生各就拜位。贊有

制衆皆跪宣

制官宣

制訖。贊行三跪九叩禮畢。豫引祭酒以下官及諸生

趨至太學外西旁南嚮排跪送

駕王公從百官以次退。次日。

賜講官及執事諸臣燕於禮部。由寺委官引各官詣

香案前贊行三跪九叩禮。燕畢。引詣香案謝

恩。行一跪三叩禮。各退。

耕藉。○祭

先農禮成候

駕入

太歲殿行禮時。豫引王公及百官出壇西門外更衣。
引禮鳴贊官二人。引左翼王公百官於

觀耕臺之左。二人引右翼王公百官於臺右。均北

上東西面序立。引從耕王三人。九卿九人。各就從耜所。東西面立。鳴贊。官二人進至耜田左右。東西面立。候。

駕出具服殿至。

耕耜所。贊進耒耜。贊進鞭。引王公百官至臺前。東西上南嚮立。

躬耕禮成。引王公百官仍復原位立。候。

駕御觀耕臺。引王公百官於臺下左右北上。僉立。王五推。九卿九推畢。各引復位。鳴贊。官四人進至臺南。東西面立。贊排班。引禮鳴贊序班。引順天。

府府尹府丞為一班。治中通判大興宛平二縣官為二班。佐雜三班。耆老農夫四班。均由臺西引至臺前。東上北面序立。班齊贊進。眾進贊跪叩興。眾行三跪九叩禮畢。贊退班。仍由臺西引至藉田外。東面序立。禮成。引左翼王公百官於甬道南。西上北面序立。

駕過。引右翼王公自臺南共隨行。百官以次退。如御慶成宮。引王公自南門左右門隨入。百官由左右門東西門入。王公序立階上。百官序立階下。均北上東西面立候。

皇帝升座滿洲卿一人進至

殿中門之左西面跪致辭云

躬耕禮成羣臣慶賀。鳴贊官贊羣臣行三跪九叩禮如儀禮成。

賜坐。引王公於階上。百官於階下均北上東西面列坐。

皇帝進茶。鳴贊官於階下傳示階下百官行一叩禮。賜茶畢各興候。

駕過。引王公隨行。百官以次退。

命將出師。○設

敕印案於

太和殿內左楹之南。引大將軍

王公於丹陛上。大臣於丹墀下。行

三跪九叩禮畢。引由左階升。至

殿楹下左旁北面跪。大學士授

敕印。大將軍恭受。轉授隨印學士等恭奉。由

御道左旁降。引大將軍隨行。凱旋恭繳

敕印儀同。○出師戰勝。露布至

京師。內閣學士奉捷疏至

午門外。豫引王公文武百官按翼東西上北面序

立。宣

制官進至門東。西嚮立。贊有制。衆皆跪。乃宣捷疏云云。奉

旨宣示王公百官。中外臣工咸使聞知。衆祇聆訖。興各引退。

受俘。

駕御午門樓受俘。先期鳴贊。官左右二人立兩觀第六楹對。

午門樓第二楹夾

御道立。引王公於

午門兩觀下。鹵簿外文武官於甬道旁鹵簿外接。

翼北上東西面序立。引兵刑二部堂官立於闕右門右翼丹墀鹵簿外。兵部官率進俘將校立於右翼金鼓外。押俘立將校後。刑部官立於兵部之次。俟。

駕御午門樓升座。鳴鞭畢。鳴贊官贊排班。引解俘將校進至仗南。

御道西北面立。贊行三跪九叩禮。宣。

旨後。將校引俘退。引王公於兩觀樓階下南第二楹。引百官於兩觀下。各就拜位。贊行三跪九叩禮退。

頒賞○凡

賜直省將軍都統督撫提鎮朝衣鞞馬引至

午門前恭受文東武西鳴贊官指行三跪九叩禮

不贊

禮樂
衣鞞馬

今
頒賜朝

如

頒賞朝鮮等國朝貢使臣謝

恩均於

御道之右唱贊行禮儀同。

巡幸盛京

御殿受賀○是日鴻臚寺官設

詔案表案各一於

崇政殿內東旁。又設黃案一於丹墀正中。引隨

駕王公蒙古王公等在

殿外兩旁排立。引隨

駕文武大臣官員等在丹墀東旁排立。引

盛京文武大臣官員及

陵寢官員等在丹墀西旁排立。引朝鮮使臣等在丹墀
西旁百官之末排立。耆老領催等咸集於

大清門外。

皇帝升座。鳴贊。官贊排班。贊進。贊跪。贊宣表。宣畢。贊
叩興。贊退。均如儀禮成。

聖駕還宮王以下文武各官退出仍於

大政殿外排立禮部官奉

詔安置龍亭隨至

大政殿外奉設高臺黃案上鴻臚寺官贊排班進

衆排班皆進耆老領催等另班排立宣

詔官登臺西嚮立鳴贊官贊有

諭旨衆北面跪宣

詔官宣畢禮部官恭奉設於龍亭鳴贊官贊行三跪

九叩禮禮畢

巡幸○順治初年定

聖駕巡狩省方由

午門出入均鳴鐘左翼王公百官在左右翼王公
百官在右跪候送迎由

東華門出入左翼在北右翼在南由
西華門出入左翼在南右翼在北由

神武門出入左翼仍在左右翼仍在右咸蟒袍補
服如設鹵簿由寺傳知王公百官咸朝服

近例設鹵

簿王公百官蟒袍補服接
送不設鹵簿則不接送

○又定凡

巡幸經過之處文官知縣以上武官守備以上咸於
百里內迎送由寺請

旨傳示各官咸朝服在路右百步外跪迎候
駕過將各官名籤啟奏引至

行宮網城門外行三跪九叩禮不贊次日

駕啟行仍朝服在路右百步外跪送如有行禮失儀
及迎送不到者由寺指名題叅交該部議處○

聖駕回京日各官跪候迎送同○康熙五十一年奉
旨朕出巡時武職千把總以上皆來迎接文職止有掌
印官迎接嗣後朕出巡時同知通判州同州判以下
皆令來迎○乾隆十六年

諭向來鑾輿巡幸經過地方官員應行接駕由鴻臚寺

具奏里數請旨。臨時該寺率領接駕。至駐蹕後復奏
間行禮。朕入疆考績。地方大吏隨營行走。不時召見。
卽州縣各官。凡有承辦差務者。業已於道旁隨便跪
接。此皆不在率領接駕行禮之例。其率領行禮者。非
散員卽武弁教職充數之人。此何為者。而鴻臚寺官
員先期傳示。不免滋擾。嗣後凡應接駕人員。止令鴻
臚寺在京奏請里數。得旨行知。其一切繁文及接駕
後赴鴻臚寺投遞職名。概著停止。以示朕行簡務實
之意。

[illegible]

欽定大清會典事例卷一千九十五

鴻臚寺

筵燕贊儀

太和殿大燕
帝御皇極殿筵燕

皇上
太子婚禮

筵燕 公主下嫁筵燕

太和殿大燕○凡

太和殿大燕。本寺官引内外王公大學士內大臣。
暨入

殿侍燕大臣並丹陛上侍燕台吉侍衛等。立丹陛
上。引百官按翼排班於丹墀內各青幕下。俟
駕升座。樂止。引王公暨

殿內侍燕大臣等進

殿各序坐。進茶進酒均如儀。鳴贊官等分立於丹陛三成。

皇帝進茶進酒時。均舉手傳示百官行禮。燕畢。引王公大臣出。序王公於丹陛上。百官於丹墀內。鳴贊官四人進至檐下。東西面立。贊排班。引王公百官各就拜位。贊進。贊行一跪三叩禮成。引復原班立。

駕還宮。俟樂止。引出如儀。○乾隆五十五年奉

旨。著改於各坐次行一跪三叩禮。毋庸引在丹陛丹墀

行禮。

太上皇帝御皇極殿筵燕。○嘉慶元年。於

寧壽宮之

皇極殿

賜千叟燕。是日。管燕大臣豫引應行入燕之王公蒙古

王公大臣。與在京之三品大臣四品以下官及

外國貢使。各於

皇極殿內外丹墀內丹墀左右及

寧壽門內兩旁相對列坐。禮部堂官奏請

太上皇帝暨

皇帝升座。鴻臚寺鳴贊。官贊排班。贊進。王公大臣等各
以次進。贊行三跪九叩禮。贊興。燕畢。贊行一跪
三叩禮。

太上皇帝暨

皇帝還宮。管燕大臣頒賞畢。復引至

寧壽門前排班。行三跪九叩禮。

皇子婚禮筵燕。○凡

皇子婚禮。各於

皇子所居之處結綵設燕。是日。鳴贊官二人。引福
晉父及族人之有官者。與本旗大臣二品以上

官。序於東席。引應入燕大臣二品以上官。序於西席。均北上東西面。燕畢。引各官望闕行三跪九叩禮。

公主下嫁筵燕。○凡公主釐降。燕於

保和殿。卿二人。鳴贊官二人。豫引額駙暨族人蒙古王公台吉等。至古王公台吉等。至

殿前右翼序立。鳴贊官四人立於檐下。

皇帝御殿。樂止。引額駙暨族人蒙古王公台吉等。至御道西。東上北面立。贊行三跪九叩禮畢。引侍燕王公大臣侍衛由左門入。引額駙暨族人蒙古

王公台吉等由右門入。均北上東西面序立。進酒大臣進酒時。引額駙暨族人出至

御道右。東上北面跪。侍燕王公大臣於本位跪。均隨進酒大臣行一叩禮畢。仍引入

殿。各就坐。燕畢。引額駙暨族人出至

御道右。贊行一跪三叩禮。餘儀與大燕同。○凡下嫁蒙古之固倫公主。和碩公主。暨科爾沁三親王。一貝勒。喀爾喀哲卜尊丹巴胡圖克圖。來朝還國。均於朝陽門或東直門外接官廳迎送。由寺派鳴贊官二人。引公主蒙古王等於廳內東。

在內王公於廳內西。均北上東西面序坐。引內大臣侍衛一品文武官。按翼坐於廳外兩旁青幕。尚茶攜茶出。

賜茶畢。引公主於廳內望。

闕行六肅三跪三叩禮。引蒙古王貝勒於廳外望。闕行三跪九叩禮。不贊。

進書贊儀

恭進恭進

實錄玉牒

聖訓

恭進

實錄

聖訓○前期設書案於

保和殿內

御座前正中。設表案於

殿門外稍東。南嚮。設綵亭於纂修館前。至日。鴻臚寺堂官鳴贊官十人。引監修總裁提調纂修等官奉綵亭。至

太和殿階下。行一跪三叩禮。纂修官恭奉

實錄

聖訓。卿二人引由中階升。至

保和殿。各陳於書案。監修以下官。於丹陛東行三跪九叩禮。鳴贊官引王公入

太和門左右門至丹陛上。文武各官入

昭德門

貞度門至丹墀內。均按翼序立。

皇帝御保和殿。恭受

實錄

聖訓。行禮畢。

御中和殿。執事各官行三跪九叩禮。不贊。

駕興。

御太和殿。鴻臚寺官引監修總裁提調纂修各官。入

百官班內序立。鳴贊。官贊排班。班齊。贊進。衆進。

贊跪。王以下各官皆跪。鴻臚寺卿一人進至殿中門外。北面跪。代奏慶賀致辭。奏畢興。又卿一人出自丹陛前。西面宣答。

制辭宣畢。鳴贊官贊羣臣行三跪九叩禮成。鳴鞭。聖駕還宮。○嘉慶十一年

諭皇次子及儀親王等會奏。明年三月間

皇考高宗純皇帝實錄聖訓告成。恭擬受書儀注進呈。朕詳加披閱。前期一日。總裁等官恭奉全書送至保和殿陳設後。直日護軍統領會同總管內務府大臣。謹闔殿門。多派官員於殿門外周回照看。尚不足以

昭慎重。是日著於御前侍衛乾清門侍衛大門侍衛不直班各員內。派出二十員。於殿外前後輪流坐更。小心照看。不准在彼點銚喫煙。以專責成。次日受書行禮後。即著禮部堂官恭奏禮成。以便御殿受賀。其表文著於送書進乾清宮時。監修官一併送進。至實錄黃綾本。館臣編次。按日呈覽。均經朕詳慎閱定。屆期毋庸於次日再行具儀進呈。○道光四年。

仁宗睿皇帝

實錄

聖訓告成。

宣宗成皇帝御殿受書。引王公百官行禮。儀與嘉慶十二年同。○咸豐六年。

宣宗成皇帝

實錄

聖訓告成。

文宗顯皇帝御殿受書。引王公百官行禮。儀與道光四年同。○同治五年。

文宗顯皇帝

實錄

聖訓告成。

穆宗毅皇帝御殿受書。引王公百官行禮。儀與咸豐六年同。○光緒四年。

穆宗毅皇帝

實錄

聖訓告成。

皇帝御殿受書。引王公百官行禮。儀與同治五年同。
恭進

玉牒○鴻臚寺官豫設案於

中和殿正中。又設案於左右兩旁。東西嚮。提調纂
修各官恭奉

玉牒陳設各案畢。總裁王大臣率同提調纂修各官。行

三跪九叩禮。不贊。

皇帝御殿。詣正中案北嚮

受書。不宣表。

冊命贊儀

冊立
冊封王貝勒
中宮

尊封
太妃

冊立

中宮○前一日。設

節案於

太和殿內

御座前正中。設

冊案於左。

寶案於右。

皇帝御殿。鴻臚寺官引王公百官侍班。如大朝儀。宣制官奉

制立於檐下第三楹。鳴贊官二人。引正副使於丹墀內。贊行三跪九叩禮畢。引由右階升。至丹陛御道之左。北面立。宣

制官進至中門之東立。贊有

制。正副使跪。宣

制官宣畢退。大學士授

節引正副使由中階降。引執事官入。舉

冊

寶案由中門出。正副使隨行。並撤

節案由左門出。○若

冊封

妃

嬪設

節案於

太和殿

寶座前正中設

冊寶印案於

寶座左右兩旁。引正副使入

殿授

節前往。

尊封

太妃○設

冊寶印案於

太妃宮門正中。又設案於門左東旁。如恭遇

親行尊封禮。是日。

皇帝御太和殿。南面立。

閱冊寶印訖。

親詣

太妃宮。鳴贊官左右各二人。豫立於宮門檐下。奏

進冊

進寶印。宣讀官宣

冊寶印文。奏跪拜興。

皇帝行二跪六拜禮。

冊封王貝勒。○設

節案於

太和殿丹陛正中。設

冊寶印綵亭於丹墀左右。引正副使詣案前授節前往。

貢舉贊儀

文武鄉會試

賜燕

進表

殿試

傳臚

文武鄉會試。○宣

旨於

午門外。鳴贊官二人引正副主考官同考各官於御道左右行三跪九叩禮。不贊發榜後中式者赴寺報名演禮。次日隨各考試官於

午門前贊行三跪九叩禮。其上馬下馬筵燕於禮

兵二部露臺上望

闕設香案。引禮官贊行三跪九叩禮。燕畢。行一跪三叩禮如儀。

殿試○設題案一於

殿內左楹之南。一於丹陛正中。至日引讀卷等官至。

保和殿丹陛上。唱贊行禮畢。俟禮部堂官受題置丹陛中黃案。次引諸貢士於

中和殿後兩旁丹陛上。贊行三跪九叩禮。

賜題。貢士跪接行禮。不贊武。

殿試同。○凡考試庶吉士。未散卷前行三跪九叩。

禮。不贊。與貢士

殿試同。

傳臚。○設置榜黃案一於

太和殿內左楹之南。一於丹陛正中。引王公百官侍班如儀。引讀卷執事各官於左翼仗後。引貢士於仗南左右。三傳官三人分立於三成階上。東立西嚮。鳴贊官四人侍立如儀。

皇帝御殿。鳴鞭畢。贊排班。引讀卷等官行三跪九叩禮畢。贊退班。引退。俟禮部堂官奉榜設於丹陛中黃案退。贊排班。引諸貢士由仗南進至品級

山前。北面序立。贊有

制。諸貢士跪。宣

制官立丹陛上東旁。宣

制畢。乃唱第一甲第一名某人。三傳官以次唱名。三成臚傳畢。乃引第一甲第一名進至左班正六品品級山跪。再唱第一甲第二名某人。三唱畢。引第二名進至右班正七品品級山跪。唱第一甲第三名某人。三唱畢。引第三名進至左班從七品品級山跪。又唱第二甲第一名某人等若干名。三甲第一名某人等若干名。均三唱畢。贊

叩興。諸進士行三跪九叩禮畢。引復原位立。鳴贊。官贊舉榜。禮部堂官舉榜。自中階降。榜至太和門。引第一甲三人隨榜後出。引諸進士由昭德門。

貞度門。

午門左右門出。如不。

御殿。王公百官不齊到。餘儀俱同。○嘉慶七年。

諭。昨因升殿傳臚。新進士行禮參差不齊。儀節舛錯。隨傳詢鴻臚寺禮部各堂官。因何不豫行演習。據該堂官等均稱臚唱演習。向無成例。及閱都察院衙門參。

奏一摺。內稱凡遇傳臚大典。鴻臚寺派出序班等官三員。先期將一甲三人認明。分班帶引。俟鳴贊時。即在旁密為宣導。俾弗愆儀。今該寺官直至三名全唱後。始引其就位。旋即退遠。不在旁押班宣導。以致參差不齊。拜跪無節等語。是厯屆傳臚諸進士行禮。惟以鴻臚寺官在旁導引為準。不致錯誤。此次該寺堂官並未先期選派嫻習之員。敬謹導引。殊屬疏忽。所有鴻臚寺承直帶領一甲進士行禮之員。著交部議處。鴻臚寺堂官。著交部察議。

賜燕。○傳臚後。

賜恩榮燕於禮部。鳴贊官引主席等官暨諸進士詣香案前。贊排班。贊行三跪九叩禮畢。序班引諸進士至堂檐下。東面立。拜主席大臣。次拜讀卷官。禮部堂官鑾儀衛使。俱四拜。次拜執事官。行兩拜禮。燕畢。仍引主席等官及諸進士詣香案前。行一跪三叩禮。

進表。○傳臚後三日。狀元率諸進士進表。本寺官設表案於

午門外左右兩觀第五楹正中。卿二人及鳴贊官夾

御道立。引諸進士於

午門前甬道左右。北面序立。排班。序班一人引狀

元奉表。由

御道左進至黃案前正中跪。陳表於案。行一跪三叩禮。不贊。引復原位。贊行三跪九叩禮畢。同禮部官奉表恭送內閣。

頒賞日。引諸進士於原立處頒賞表裏。行禮侍班與進表同。

祭祀引禮

大祀

祭

圓丘

方澤

饗

祈穀

太廟

祭

社稷壇

祭

日

夕

堂子

月 饗
釋奠 各

先農 祭
壇廟 執事

歷代帝王廟

大祀

園丘。○設王貝勒拜位於第三成階上左右對第二成
午階闌板第二柱。貝子公拜位於三成階下。左
右嵌設拜石。百官拜位於外壇門外嵌設品級
拜石。左右各五行。

駕宿齋宮日。壇內鐘鳴。豫引陪祀王公百官由壇內
垣西門入。至

齋宮門外。左翼對

齋宮北廊第三楹。王貝勒為一班。貝子公為二班。

百官各依品級為三四五六班。東上南嚮立。右翼南上東面序立。俟。

駕入

壇門。亦引至南廊第三楹東上。皆對。

降輦處。梭薦東邊立。均東面。俟。

駕過。仍東上北面立。

駕入齋宮。各引退。祀日。引兩翼王公至。

降輦處。梭薦之西第二路銮旁。去甬道五丈。東上南
北面序立。引陪祀百官於外壝門外。北上東西
面序立。

駕過。引王公於豹尾班後隨行。將至大次。少立。俟盥洗畢。引左翼隨進外壝門左門。右翼進外壝門右門。豹尾班至內壝門止。引左翼王公隨進內壝門左門。右翼王公進內壝門右門。貝子公至階下止。引王等由午階左右升。貝子公及百官各就拜位。均東西上北面序立。進俎及送祝帛時。引王等避立於兩旁闌板第四柱。北上東西面。候過。仍復原班立。貝子公亦各避立。候過。復位。禮成。引王等退立於第五柱。東西面。均北上。引貝子公退立於大鐙之南。引百官退立於兩

旁。均北上東西面候。

駕過。引王等仍由午階左右降。至內壝門。少立。俟望燎禮成。出外壝門。引王公隨豹尾班後行。引百官以次退。如。

駕至齋宮。引王公百官豫出至壇內垣西門外。左翼於門南。右翼於門北。東上序立。候。

駕過。王公從。百官以次退。王公隨至。

午門內。同不陪祀王公。均序立於內金水橋南。如駕不宿齋宮。祀日。引百官各就拜位。引王等於。

昭亨門西紅柱左右。引貝勒貝子公等於石牌坊左。

右。均東上南北面序立候

駕過隨行。行禮如儀。其不陪祀王公。於

午門外東西觀第六楹之南。東西面序立。北上。

駕出午門。跪候豹尾班過。興禮成。

回鑾。仍於原班序立。

駕至闕門。跪候。

駕入午門。興。同陪祀王公進。

午門左右門。至內金水橋南。按翼列於仗末。候。

駕入。

太和門。各退。不陪祀各官。各於本旗本衙門班位。

東西序立北上。跪送跪迎如儀。凡祭祀迎送儀均同。惟

躬祭

社稷壇不陪祀王公。仍於

午門外兩觀跪候迎送外。不陪祀各官。於

闕左右門南鹵簿外夾

御道東西跪候迎送。○遣官恭代行禮。豫引百官入至外壝門外拜位。分翼東西面序立。遣官進內壝門至行禮位。引百官北面立。禮成。引百官仍東西面立。遣官出。各引退。○凡孟夏行

常雩禮。與冬至大祀同。如

皇帝步禱。是日。引王公於

齋宮門外。按翼西上。南北面序立。候

駕過。隨豹尾班後行。餘均同。

祈穀。○凡孟春

祈穀於

祈年殿。豫設王公拜位於第一成階上。左右對石闌板

第三柱樂懸之後。重行。百官拜位於階下。嵌設

品級石。左右各五行。

駕宿齋宮。壇內鐘鳴。豫引陪祀王公百官進壇內。垣

西門至。

齋宮門外。左翼王公仍照前東上南面序立。右翼王公東上北面序立。俟

駕入

祈年門時。均東面。

駕過。仍東上南北嚮立。祀日。引王公於

降輦處。椽薦之西階下。第二路鐙旁。東上南北面序立。引陪祀百官。豫由西轍門進。至

祈年殿兩廡前。對第四楹。北上東西面序立。

駕過。引王公隨行。左翼由左門隨進。右翼由右門隨

進。由左右階升。百官於階下各就拜位。均東西上北面序立。進俎時。引王公避立於鐘磬之南。候過。引復位。送祝帛時。王公同前。引百官於兩廡之前。候過。引王公復位。禮成。引王公於祝斂之前。均北上東西面序立。

駕過。引王公仍由左右階降。至

祈年門。俟望燎禮成。出轍門。引王公隨豹尾班行。引百官以次退。

大祭

方澤。○設王公拜位於壇前。嵌設拜石。左右重行。百官

拜位於外壝門外。嵌設品級拜石。左右各五行。
駕宿齋宮。壇內鐘鳴。豫引陪祀王公百官由壇內垣
西門入。至

齋宮門外。左翼在北。右翼在南。各對角門。南北上
東面立。俟

駕入壇。引至相對

降輦處。梭薦兩邊。均東上東面立。

駕過。南北面立。

駕入齋宮。各引退。祭日。引王公至

降輦處。設梭薦之西。第二路。鐙東。引百官至外壝門

外拜位左右。均南上東西面序立。

駕過。引王公隨豹尾班後行。右翼至內壝門右門相對止。左翼至甬路左止。俟

駕出更衣大次。引左翼王公隨進內壝門左門。右翼王公進內壝門右門。至階下各就拜位。引百官各就拜位。均東西上南嚮序立。進俎送祝帛時。引王公避立於壇北左右角。俟望瘞禮成。出外壝門。引王公隨出。百官以次退。如

駕至齋宮。引王公百官豫出至壇內垣西門外。左翼

於門北。右翼於門內。東上序立。候。

駕過。王公從。百官以次退。如。

駕不宿齋宮。次日。引百官各就拜位。引王公等於壇。

內垣北門外

降輦處設椽薦之西。左翼在北。右翼在南。均東上序立。候。

駕過。引左翼王公隨入左門。右翼王公入右門。各進內外壝左右門。至拜位行禮。禮成。引王公仍由原進各門而出。若遣官恭代行禮。引百官儀與

南郊同。

饗

太廟。設王公拜位於階上。對第一成東西闌板第二柱。左右重行。百官拜位於階下。對兩廡南第四楹。左右各四行。

午門鼓嚴。引百官先入於兩廡前。北上東西面序立。引王公於

廟街門外。左翼在南。右翼在北。各對朝房第二楹。均東上。左翼北面。右翼西面立。候

駕至。南北面立。

駕過。由街門左門引進。左翼隨豹尾班後行。進左門。

右翼進右門。至橋南立。候。

駕入戟門。引王公隨進。由東西階升。至一成階上。各就拜位。引百官各就拜位。均東西上北面立。送祝帛時。引王公避立於中一間之東西。候過。復位。引百官避立兩廡前。禮成。引王公於東西闌板前。北上東西面序立。候。

駕過。引隨行。仍由原進門引出。若遇雨。引王公於戟門內。百官於左右門。均東西上北面。隨行禮。禮成。引王公於門兩旁戟前。候。

駕過。由左右門引出。若遣官恭代。引百官儀同。○若

恭遇

皇帝親祇告於

中殿。王公陪祀百官均於

午門外朝服祇候送迎。豫設王公拜位於

中殿前階上。左右重行。祭日。引王公等隨入戟門。左翼
隨豹尾班後行。由

前殿左升東階。引右翼相對左翼行。由

前殿右升西階。各就拜位。東西上北面立。隨行禮。送祝
帛時。避立兩旁。禮成。引兩翼王公於東西階之
南。均北上東西面立。候

駕過隨行。仍由原路引出。

祭

社稷壇。○設王公拜位於

拜殿之南。嵌設拜石。左右重行。百官拜位於

拜殿兩旁。嵌設品級拜石。左右各四行。

午門鐘鳴。豫引百官由

社稷壇街門南門入。至

拜殿兩旁。左翼在左。右翼在右。南上東西面序立。

引王公於

闕右門外。左翼在南。右翼在北。西上對面序立。候

駕過。隨豹尾班後行。由壇北門入。左翼隨進東門。由

戟門

拜殿東。右翼進西門。由戟門

拜殿西。至拜位。引百官各就拜位。均南嚮序立。送

祝帛時。引左翼王公避立東旁。右翼王公退立

拜殿階下。候過。引復位。望瘞時。引左翼王公退立

於內壇左牆角。右翼王公於

拜殿西百官之前立。望瘞禮成。候

駕過。引王公隨行。引百官以次由原路出。若遣官及

禱雨報謝。引百官行禮同。

祭

堂子。元旦。卿二人。鳴贊官二人。於

堂子圍殿北。對左右階夾甬道侍立。鳴贊官各二人。引

兩翼王公。一品滿洲大臣官員。於

堂子街門內。北上東嚮序立。候

駕至。跪接隨行。由內門右門入。引左翼王公大臣。由

祭

神殿後。繞至階上。均東西上南嚮序立。鳴贊官奏跪拜

興。

皇帝行三跪九拜禮。諸王羣臣隨行禮畢。奏禮成。引

左翼王公大臣豫於內門立。俟

皇帝升輿。由左右門引出隨行。

乘輿出入。鳴贊序班分引不與行禮百官蒙古王公
及外國陪臣均於

午門外按翼序班跪候送迎。○若出師日。

駕詣

堂子圍殿行禮。鳴贊官四人。東西面序立於轟前兩旁。
引大將軍於

皇帝後。與貝子公同行。至轟前行禮。王公大將軍在
前。從征將士在王公後。贊行三跪九拜禮。禮成。

引王公將士退立於門內之北兩旁。南上東西面序立。候

駕過隨出。○康熙十一年

諭人君對越神祇。務盡其誠敬之心。禮儀節文。宜臻明備。每年元旦。恭詣

堂子展拜。可令鳴贊贊禮。永著為令。○十二年奉旨。嗣後

堂子行禮。漢官不必隨往。

謁

陵。○凡

駕詣

興京恭謁

永陵。自下馬處。引王以下三品以上官。進至

啟運殿之左右。均東西上北面立。隨行禮畢。引王公於
啟運殿後。百官於左右。均北上東西面立。

皇帝祭酒時。隨行三叩禮。興候

駕過。隨出。至

盛京恭謁

福陵。自下馬處。引王公三品以上官。進至

隆恩殿之左右。恭謁

昭陵禮同恭謁

孝陵。自下馬處。引王公三品以上官隨行。左翼由

隆恩門左門。右翼由右門。自

隆恩殿左右。至

陵寢門。王公於門外。百官於

隆恩殿左右。均東西上北面立。隨行禮畢。引王公於門

外。引百官於

隆恩殿左右。均北上東西面立。鳴贊。官二人進至左右

門外。

皇帝祭酒時。傳示。隨行三叩禮畢。退。引王公百官近

左右垣立候。

駕過隨出。祭日。設王公拜位於

隆恩殿階上銅鼎左右。重行。設百官拜位於階下對兩廡第二楹。左右各三行。引王公於東西廂之前。百官於東西廂之南。

駕至幄次。豫引百官由左右門入。至兩廡前。東西面北上序立候。

駕過。引王公隨行。左翼由左門隨入。右翼由右門入。由正面左右階升。至階上。於左右石闌前北上。東西面立。獻茶畢。

皇帝就拜位。引王公百官各就拜位。東西上北面序立。送祝帛時。引王公避立於中一間之東西。引百官避立於兩廡前。候過。引王公復原位立。禮成。引王公仍退立左右闌前序立。

駕由東階降。引左翼王公由東階。右翼由西階降。至陵寢門外。東西面序立。祭酒時。行禮一如謁

陵儀。各

陵禮同。

皇帝臨

皇后陵寢。入中門。循

饗殿左。至

明樓前階下。

降輿升階。西嚮坐奠酒。其扈從王公百官。鴻臚寺官引於大門外。按翼重行北面。行三跪九叩禮。

朝

日○豫設王公拜位於內壝門內階下。對第一紅鎗左翼在南。右翼在北。左右重行。設百官拜位於內壝門外。左右各四行。祀日。壇內鐘鳴。引百官至內壝門外。左翼序於拜位。東上北嚮立。右翼序於

神路之東。南上西嚮立。引王公於壇北門外。左翼在西。右翼在東。均南上東西面序立。候。

駕過。引隨豹尾班後行。左翼王公隨進內壝門左門。右翼王公進內壝門右門。至階下。各引就拜位。引百官各就拜位。均南北上東面序立。送祝帛時。引王公避立於兩旁。南北面立。候過。仍引復位立。禮成。引王公退立於壇左右角。百官退立於內壝牆角。候。

駕過。引王公隨行。引百官以次退。

夕

月○祭之日。壇內鐘鳴。引百官至內壝門外。左翼序於

神路之東。南上西嚮立。右翼序於拜位。西上北嚮立。引王公於壇北門外。左翼在西。右翼在東。均南上東西面序立。候

駕過。各引就拜位。南北上西面序立。餘儀與朝日同。

饗

先農○豫設王公拜位於壇下大鐙之北。左右重行。設百官拜位於樂懸之南。左右各四行。均東西

上北面。壇內鐘鳴。引百官入。右翼序於

神路之西。東面。左翼序於甬道之南。北面。引王公於壇外垣東門內。左翼在北。右翼在南。均東上。南北面序立。候。

駕過。引隨豹尾班後行。至壇。引王公百官各就拜位。均東西上北面立。送祝帛時。不引避。禮成。引王公百官退出西門更衣。候從耕。

祭

歷代帝王廟。○設王公拜位於階上。對左右石闌第二柱。左右重行。設百官拜位於階下。相對兩廡。

第二楹。左右各四行。均東西上北面。廟內鐘鳴。引百官各就拜位。北上東西面序立。引王公於廟門外。左翼在門東。西上南嚮。右翼在門西。北上東嚮。序立。候。

駕過。隨行。由左右門入。由中階左右升。各就拜位。引百官各就拜位。均東西上北面序立。送祝帛時。王公避立於中一閒之東西。禮成。引王公退立於東西石闌板之前。引百官退立兩廡前。均北上東西面序立。候。

駕過。引王公隨行。百官以次退。

釋奠○凡

視學。釋奠於

先師。本寺官引王公於廟街門外之西。左翼在南。右翼在北。東上南北面序立。候

駕至降輿。由中門入。引王公於左右門入。設位行禮。與

帝王廟儀同。若遣官行禮。引陪祀官詣拜位序立。各

壇廟執事○凡

天神壇

地祇壇

太歲殿祈雨報謝均遣王大臣官員行禮。若祭
先醫廟以太醫院醫官陪祭。

諭祭賢良祠。昭忠祠。以各後裔陪祭。俱本寺鳴贊官
引禮。

[illegible]